



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Imago saeculi XVII. ad annum huius saeculi X. producta**

**Neuhusii Paderbornae, 1710**

Annus 1696.

**urn:nbn:de:hbz:466:1-29436**

bus & militum impressionibus per mensem  
ferè integrum ita oppugnârunt, ut demum  
expugnârint, & 1 Septembris arcem victo-  
res sint ingressi.

Interea Villaroius exercitûs Gallici Præ-  
fectus summus, ne maneret obscurus in hac  
expeditione, Bruxellas incendit globis igni-  
vomis, & tertiam ferè partem in cineres re-  
degit.

Casale, urbs in Ducatu Montferratensi  
totius Italiae munitissima à fœderato exer-  
citu post dierum 13 obsidionem strictiorem  
Gallis deditioe extorquetur, & ex deditio-  
nis pactis, quæ adversus salutem publicam  
cuderat privata Italorum utilitas, vallis &  
mœnibus nudatur.

*ANNO 1696.*

**T**heophilus Patriarcha Rascianorum in  
Hungaria, Sclavonia, Transylvania, aliis  
que locis finitimis post extortos ab Augu-  
stissimo Imperatore certos favores & gratias  
sibi, suoque Clero & Ecclesiis, publicè eju-  
rato schismate professus est fidem Romano-  
Orthodoxam.

Exercitui Cæsareo in Hungaria denno  
cum summa potestate præfuit ex voluntate  
Augustissimi Fridericus Augustus Elector

Saxoniae, qui in agro Temesvariensi congressus cum Sultano acri pugnâ, sed anticipati victoriâ; deleri potuisset, si vera nunciavit fama, exercitus hostilis, si mense eadem constitisset omnibus,

Certiùs triumphâsse visus Contareus Præfectus Venetus de Mezomorto Archithalasso Turcico cujus classem florentissimam pessimè habuit ad Insulam Andrum, navibus multis combustis, pluribus vel captis vel in turpem fugam abactis.

Dux Sabaudiae, nequicquam contradicente, & saniora suadente a legato Cæsareo Principe de Fondi, paciscitur cum Gallis inducias, quæ paulò post plaudentibus Italis, & freudentibus fœderatis degenerant in pacem perpetuam.

In Anglia post multas dilquisitiones & controversias lata est mortis sententia à Judicio Regio in omnes, qui in ita adversus caput & vitam Regis conspirationis rei judicari.

Mense Junio rebus humanis exemptus vivere desit Joannes Sobieskius Rex Poloniae anno post regnum initum 23. tum multis rebus aliis, tum liberata Vienna Austriae ab exercitu Barbarorum longè clarissimus.

Mor-

Mortem Regis excepit *Conventus Senatorum Regni*, in quo more solito *Polonorum* post multas altercationes nec incruentitas conventum demum 1. Non esse eligendum Regem, nisi qui *Religioni Romanae* esset addictus, habendum verò pro hoste patriæ, qui absque unanimi *Ordinum* consensu Regem quendam renuntiaret, aut *Piastum* suaderet eligendum. 2. terminum electionis inchoandæ & finiendæ fore à 15. Maji usque ad 26. Junii 1697. 3. Locum electioni destinatum vallo & fossa esse munendum 4. Cardinali & *Regni Primate*, qui Regis tantisper vices obiret, consiliarios esse adjungendos. 5. *Exercitus* rationem habendam, ut stipendia militibus maturè exsolvantur. 6. Denique *Vidua Regiam* Regno interea debere excedere, ne vel pro filio *Jacobo*, vel pro *Principe Contio* studia sua interponat.

Ex *America* nuntiatum *Aulæ Madritanæ*, novissimè inter *Campechiam* & *Guatimalum* detectos novos *Indiæ* populos, qui certis legibus vellent concedere in potestatem *Hispanorum*.

*Paci Ryswicensi* præmissa hoc anno nonnulla præludia, ejusque mediator delectus *Carolus Rex Sveciæ*,

A Moschis eripitur Turcis post longam & cruentam obsidionem Asoffium, seu ut alii Astockium, urbs & emporium celeberrimū ad fluvium Tanain, qui Europam dicitur dividere ab Asia.

Patschæ, quod oppidum est in Hungaria superiore, conspecta est ab ingenti hominum multitudine imago perantiqua Virginis Deiparæ filium ulnis sustententis per dies plusculos ex oculis fudisse copiosas lachrymas, quibus pie creditum fuit voluisse Cæsarum prænuntiare grandem illam tempestatem, quam tūm adversus Regnum & Cæsarem coquebant cum Barbaris seditiosi Hungari, quibus tamen anno insequenti ope Virginis feliciter domitis, ut gratiæ haberentur tam gloriosæ Servatrici, asportata est imago portentosa Viennam, ubi sublimi conspicua pægmate pompa exquisitissima velut in triumpho circumgestata est per præcipuas quasque urbis Ecclesias, & demum in æde Principe D. Stephani ad perpetuam fidelium venerationem collocata.

*ANNUS 1697.*

**P** Præfecturam supremam Exercitūs Cæsariani in Hungaria administravit iussu Cæsaris Eugenius Princeps Sabaudia, eam

1697

que